

15

OBSERVATIO

DE

AFFECTIBUS MORBOSIS

VIRGINIS HAVNIENSIS


CUI

PLURIMÆ ACUS E VARIIS CORPORIS PARTIBUS
EXCISÆ ET EXTRACTÆ SUNT.

AUCTORE

J. D. HERHOLDT,


MEDICINÆ DOCTORE ET PROFESSORE, PROTOMEDICO NOSOCOMII REGII
FRIDERICIANI, CURATORE MEDICINÆ MILITARIS NAUTICÆ, EQUITE
ORDINIS DANEBROGICI, MEMBRO PLURIUM SOCIETATUM DOCTARUM.



H A V N I Æ.

TYPIS EXCUDEBAT ANDREAS SEIDELIN,
AULÆ REGIÆ & UNIVERSITATIS TYPOGRAPHUS.

MDCCCXXII.



PROOEMIUM.

Hic tibi amice Lector! observationem offero, jam ante annum (die nempe 8vo mensis Martii anni 1821) *Societati Regiæ Medicæ Havniensi* prælectam. Status ægrotæ, cujus fata tunc depingere studui, eo tempore tam tolerabilis erat, ut omnium nostrum, quotquot eam conspeximus, nemo esset, quin prosperum morbi eventum præsagire auderet. Quam ob rem id mihi propositum fuit, ut cuncta, quæ observaveram, operis typographicis haud prius committerem, quam morbi quoque reliquæ dissipatæ essent.

Verumenimvero nostram spem magnamque exspectionem eventus fefellit, et res multo aliter cecidit, quam a nobis prævideri potuit. Nimirum dum nihil istiusmodi suspicabar, post dolorem sat gravem circa dextri humeri articulum, a die 14to mensis Maii (anni 1821) *tumor in cavo axillari* obortus est, qui lente creescens multos denuo cruciatus ægrotæ inferbat, extremumque vitæ periculum minitabatur. Nam hic tumor (ut postea comperi) tantum acuum numerum continebat, ut (præter illas 273 antehac excisas) ex humeri ambitu plus 100 a die 26to mensis Martii ad hodiernum usque diem arte evulserim.

Luctuosum hunc ac lamentabilem statum jam inde a medio mensis Maii auxit accedens *urinæ retentio* (uti annis 1809 et 1810) *completa*, quæ ad 4tum

mensis Julii continuo perdurans, ægrotæ vesicam quotidie saltem semel, quandoque pluries, arte evacuandi necessitatem mihi iterum imposuit. A die 5to mensis Julii aqua rursus sponte profluebat, et ægrota tres circiter septimanas patibilem denuo vitam degebat.

Sub finem mensis Julii ægrota quandoque *super potionum modum mingebat*, urina tamen pro illius lubitu et sine ulla molestia adhuc manabat. Sed brevi post hic affectus in continuum *Diabetem*, qui nothus et insipidus audit, sensim transibat. Hoc morbi additamentum mali quidem ominis erat, minus tamen terrebat, quamdiu vesicam sponte exinanire Misera valebat.

Ast quam vaga semper et volubilis ejus fortuna! Etenim die 4to mensis Octobris ad Diabetem, jam tum satis ube-

rem, *urinæ retentio se rursus ad-*
junxit, eaqve dein tam pertinax fuit,
 ut postea ne guttulam quidem ægrota
 sponte emiserit. Hinc, ut ad summum,
 quod ei immineret, periculum, chirurgica
 manus die nocteqve parata semper et
 prompta esset, svasi et rogavi, ut ad *No-*
socomium Regium Fridericianum
 (in quo adhuc sub mea cura degit) trans-
 portaretur.

Demum mense Januario anni 1822
 ad istam miseriarum catervam, alia af-
 fectio, eaqve certe non minoris pernicipi
 quam ceteræ, velut cumulus accessit.
 Nempe *vaginæ constrictor*, *tonico*
spasmo correptus, aditum ad intima
 genitalia tam arcte occludebat, ut po-
 stea specillum per vaginæ ostium in-
 troduci ægre posset. Ab eodem inde
 tempore intra constrictorem *tenuis li-*

quor, urinæ ad aspectum similis, clam die nocteqve *secernebatur*, atqve hic liquor in ipsa vagina, quod valde mirum, prorsus ita nunquam non *retinebatur*, ut is, ni pluries quotidie (uti urina e vesica) catheteris ope educeretur, acerbissimos cruciatus variasqve affectiones hystericas sua copia adferret.

Sub hoc affectu ægrola, plerumqve fastidians, siti perraro vexata, ab initio mensis Februarii ad exitum mensis Junii h. a. (spatio 151 dierum) adsumsit 2020 circiter Uncias (maxime aquæ) sive 126 Libras. Eodem temporis spatio arte eductæ sunt liquoris diabetici:

e vesica urinaria . . .	326	} 855 Librae.
e vagina uteri . . .	529	

En velut *geminum Diabetem* (vaginalem nempe et vesicalem) una cum *gemma Ischuria*, seu inhibito effluvio ex

utroque receptaculo. Est sane hæc complicatio, quam nunc per dimidium annum quotidie vidi, tam singularis et rara, ut quantum comperire potuerim, ad nostram usque memoriam nec visa nec audita sit.

Quæret forsán quispiam: unde tam immodica liquoris diabetici copia? Hæsito, quid in hac re nimis adhuc dubiam respondeam. Nihil enim, opinor, potest e corpore manare, cujus principia non antea fuerint immissa. Ast ægrota nostra jam initio mensis Februarii adeo tenuis erat, ut exile ejus corpus vix 120 Libras ponderaret. Emisit ab eo inde tempore ad exitum insequentis Junii, 855 Libras, vel 729 Libras, supra mensuram potus et cibi (126 Librarum), quam ipsis iisdem 151 diebus assumserat. Attamen sub hac morbi periodo tota ejus compages, quod mirum! vix 16 Librarum pondus

perdiderat. Unde igitur reliqvæ istæ
 713 Libræ furtim sanguini resarcitæ? Eo
 fere adductus sum, ut credam, pulmo-
 nes sub certis affectibus facultate prædi-
 tos esse, aërem inspiratum in serum
 transmutandi.

Alia, qvæ huc spectat, qvæstio faci-
 lius solvitur; hæc nempe: num in nostra
 ægrota omnis liqvor diabeticus, vaginalis
 pariter cum vesicali, e solis renibus ceu
 unico fonte scaturiat? Fuerunt cl. viri,
 qui collectionem liqvoris in vagina ab il-
 lius transsudatione per parietes vesicæ
 explicare conati sint. Hæc vero expli-
 catio, fateor, utut speciosa videatur, non
 tamen mihi satisfacit, neqve ea observa-
 tis ullo modo congruit. Etenim sympto-
 mata ex ischuria vesicali suborta, dolor
 præprimis et assiduum meiendi deside-
 rium, nunqvam mitigata vidi, sed plu-

ries aucta, dum liquor vaginalis arte educeretur. Neque catheter in aditu ad alterutrum receptaculum (sive in ostio vaginæ sive in urethra) consulto relictus, unquam prohibuit, quo minus illorum alterum post solitum temporis intervallum a liqvore moleste distenderetur. Insuper liquor e vagina elicitus, et urina e vesica ducta, varia ratione inter se semper differabant. Vaginalis nempe ut plurimum turbidus e muco, viridescens et odore gravi molestus erat; contra liquor vesicalis nunquam fere non limpidus, pellucidus et minus foetidus deprehendebatur. Denique solertissima utriusque liquoris analysis jam inter alia monstravit, liquorem vaginalem *principium* quidem *uricum* continere; nil vero *acidi urici*; contra e liqvore vesicali paululum *acidi urici* una cum ejusdem principio eductum

est. Hæc observata, ni fallor, satis evincunt, alterutrum liqvozem in proprio suo organo secerni, urinam scilicet in renibus, liqvozem vaginalem in intimis genitalibus. Num vero secretio liqvoris vaginalis in ipsa vagina, an in utero, an in organo seminali *Gartneri* nostri perficiatur, nondum determinare audeo.

Improvisa illa morbi mutatio, amice Lector! in causa est, cur jam diu undique rogatus, nunc demum a consilio prius capto deflectam, et (morbo quamvis procul forsan a fine) hanc primam observationis particulam publici juris faciam. Quam fortunam Miseranda nostra in posterum expertura sit, id, si Deus me incolumem servet, suo tempore, qua possum diligentia, adumbrare conabor.

Ne vero ineptam fabulam me docuisse credas, officium duco, in veritatis fidem nomina hic addere Collegarum, ad numerum 36, qui ægrotam vario tempore una mecum viderunt, mihiqve in multiplicibus illius affectibus tractandis consilio et auxilio fuerunt. Ordine alphabetico hi sunt:

Dr. J. D. BRANDIS, Archiater, Augustissimæ nostræ Reginæ Medicus, eques ord. Danebr.

Dr. H. CALLISEN, Generalis chirurgiæ et anatomiae curator, Professor chirurgiæ supra invidiam emeritus, Cemmendator ord. Danebr.

J. L. DREJER, Medicus præsidarius Nosocomii Regii Fredericiani. (Is præsens fuit, dum *tres* acus ex abdomine, *octo* e brachio dextro excidi).

A. C. FENGER, Professor in Academia Chirurgorum Regia, Augustissimi Nostri Regis Chirurgus primarius, eques ord. Danebr. (Adfuit dum acus ex abdomine extrahebatur).

Dr. H. T. GARTNER, Medicus practicus havniensis. (Adfuit dum acus e brachio dextro excisa est).

XIII

CH. H. HAHN, Curator rei chirurgicæ navalis et
Protochirurgus legionis militiæ nauticæ.

J. FR. W. HERHOLDT, Protochirurgus legionis mi-
litiæ nauticæ.

P. H. HJORT, Protochirurgus legionis militiæ terre-
stris. (Is adfuit dum tres acus e brachio ex-
scindebantur).

Dr. S. JACOBI, Medicus practicus havniensis, jam
beatus.

Dr. L. K. JACOBSEN, Professor et Medicus prac-
ticus havniensis. (Is adfuit, dum acuse mamma
sinistra extrahcbatur).

G. JESSEN, Medicinæ Candidatus in Nosocomio Re-
gio Fridericiano. (Is mihi, dum duas acus, unam
e brachio dextro, alteram e mamma dextra, ex-
scindebam, auxilio erat).

Dr. H. M. W. KLINGBERG, Professor anatomix in
Academia artium elegantiarum et Protochirurgus
legionis militiæ nauticæ. (Eo præsentē acum e
brachio dextro extraxi).

. P. LARPENT, Medicinæ Candidatus in Nosocomio
Regio Fridericiano. (Ejus auxilio viginti et duas
acus e brachio dextro evulsi).

. G. LIND, Licentiatus medicinæ, et medicinæ Cau-
didatus in Nosocomio Regio Fridericiano. (Is
præsens fuit, dum acum e mamma dextra ex-
cidi).

Dr. A. LUND, Professor, aulæ regiae Medicus, et
Poliater Metropolis.

Dr. C. M. LUNDING, Medicus provincialis.

J. B. MADSEN, Chirurgus Regius provincialis.

F. W. MANSA, Chirurgiæ Candidatus in Nosocomio
Regio Fridericiano. (Is adfuit dum acum e
mamma dextra extraxi).

Dr. MEIERHOFF, Medicus Bremensis. (Hujus
viri præsentia acus e brachio dextro excisa.
Ipse tactu magnetico urinæ exitum parare fru-
stra tentavit).

J. C. MÜLLER, Protochirurgus legionis militiæ ter-
restris.

T. C. MÜRER, Medicus practicus Havniensis. Ejus
præsentia duæ acus e mamma dextra extractæ
sunt.

N. C. MÖHL, Medicinæ Candidatus in Nosocomio
Regio Fridericiano. (Ab eo adjutus tres acus e
brachio dextro duasque e mamma dextra excidi).

S. PETERSEN, Medicinæ Candidatus in Universitate
Norvegica Fridericiana.

Dr. G. RAHLFF, Medicus Theatri regii, Protochi-
rurgus legionis regiae a civibus academicis com-
positæ.

C. RETZIUS, Magister artium Lundensis.

Dr. J. S. SAXTORPH, Chirurgiæ et artis obstetriciæ Professor in Universitate Regia Havniensi, Medicus obstetricans primarius Nosocomii regii puerperarum, eques ord. Danebr. (Is adfuit dum acum e cavo axillæ dextræ extraherem).

Dr. J. H. SCHIÖNHEIDER, Professor, aulæ Regiæ medicus.

Dr. CHR. FR. SCHUMACHER, Professor anatomiae in Universitate Regia Havniensi, eques ord. Danebr. (Is acum in vulnere abdominis tetigit, quam tamen eo die extrahere frustra conati sumus).

S. B. SVENDSEN, Protochirurgus legionis militiæ terrestris.

E. SWITZER, Chirurgus præsidiarius legionis nauticæ, et Prosector in Universitate Regia Havniensi.

R. THAL, Professor, Protochirurgus Nosocomii civilis Havniensis, Lector Chemiæ in Academia Chirurgorum Regia.

Dr. THELNING, Medicus Augustissimi Principis Oscar, Regni hæredis Sveciæ et Norvegiæ.

S. TRIER, Studiosus Medicinæ. (Adfuit dum acum e mamma dextra exsecui).

B. O. WINCKLER, Protochirurgus legionis militiæ terrestris. (Eo adjutus quinque acus e cavo axillæ, duas e brachio exscidi).

rent. Num ex hoc meo suscepto ars nostra vel tantillum emolumenti capiat, vestro iudicio relinquere verecundia jubet. Oppido saltem patebit, quantas ærumnas quantasque miserias natura hominis, alias nimis eheu! fragilis et caduca, perferre nonnunquam, imo assidua et solerti cura adjuta, vincere valeat.

RACHEL HERTZ, judæa virgo, tenuioris quidem constitutionis, sed acutioris ingenii, a prima juventute ad 14 ætatis annum, salutis ac virium satis integra vixerat, jamque lunare tributum persolvere coeperat. Ea, variolarum morbo perfuncta, primum anno 1807 die 16 Augusti de colico dolore conqvesta est, qui ultra 18 dies quamvis perseverans, parum tamen sollicitudinis excitabat. Tertio vero die Septembris, cum sub publico tumultu eius abdomen forte percuteretur, atque deinceps dolor ille colicus multum ingravesceret, mœsti ægrotæ cognati a me medico auxilium petivere.

Accersitus ego ægrotam angore molesto et ingenti dolore, in præcordiis maxime et lumbis vexatam, totumque abdomen mire

turgens, inflatum ac renitens inveni. Clamabat perpetuo, introrsus totam se æstuarere et velut igne comburi. Illa nec motum, nec quietem tolerabat; plures jam noctes diesque insomnes transegerat; spiritum difficulter et anxie ducebat; pulsus tensus erat, parvus et valde acceleratus; alvus tenaciter adstricta; virium prostratio una cum sudore frigido, totum corpus perlucens, aderat, inanesque ad vomendum conatus continuo urgebant. Methodo antiphlogistica strenue adhibita — clysmatibus lenitivis ac emollientibus — et fomentis ejusdem indolis abdomini adplicitis — intra paucos dies ægrota a gravi hoc morbo omnique dolore libera evasit, pleneque revaluit. Felix medicatio, cum adiutrix natura succurrit!

Cum Hafnia iisdem diebus ab hostili Anglorum exercitu obsessa esset, et per plures imprimis noctes crudelissime oppugnaretur; summus inde terror, mulieribus præcipue et virginibus injectus, earum plurimum systema nervosum ita concussit, ut infortunio magis quam culpa miseræ infelicesque ex publica ista calamitate evaderent. Mirandum itaque, quomodo nostra ægrota, quæ animi quidem constantis, neque ad tristitiam neque ad gaudium

nimis propensi erat, a gravi licet isto terrore nuperrime percussa, et a morbo tam severo valde debilitata, omnem tamen nervorum offensionem sub dira illa epocha feliciter effugere potuerit. Sana nempe deinceps, et immunis ab omni malo, vixit ad diem usque 24^{um} Novembris ejusdem anni, quo die post immensum horrorem, tumor in latum diffusus, roseus, et floridus, verbo erysipelas, sine manifesta causa totam ejus faciem subito infestabat.

Nova hæc affectio feбри continua stipata, quamvis plurimas corporis functiones illico turbabat, vigiliam, inquietudinem, anxietatem, sensuumque perturbationem inducebat, solitis tamen remediis intra aliquot dies dissipabatur, insequente nulla fere epidermidis desquamatione.

Ast depulsum hoc malum, brevi post rediit idem —; febris tum magis incresebat, diutius affligebat, ac minus facile pristinis remediis cedebat. Neque hoc satis! Nulla quippe cura averti potuit, ne per tres prope menses proxime insequentes, eadem affectio tristem eandem tragoediam ludens, pluries jamjam sanata, denuo repeteret. Fidem fere superat, qua ratione misera nostra tantam symptoma-

tum, se una velut serie excipientium, eam
 sine vitæ periculo perferre potuerit. Haud
 certe mirum, si e tanto, tamque repetito,
 conflictu sensim adeo languida et debilis eva-
 deret, ut demum systema ipsius nervosum a
 levi quacunque causa infestaretur. Ad divi
 Hippocratis effatum: "quod qui sæpe erysip-
 late corripuntur, tandem eo moriantur", non
 solum artis nostræ periti, quorum plures, quid
 mihi faciendum esset, consului, de recuperanda
 sanitate dubitabant, sed etiam ipsius ægrotæ
 affines et cognati eam in ancipiti versari, tristes
 et perturbati existimabant.

Anno 1808 a fine Martii ægrotæ de die
 in diem debilitari et langvescere magis adhuc
 visa est. Ejus facies tunc pallida, exsangvis
 et emaciata erat. Nausea stomachi accessit,
 nec appetitu, sed imperio, parum cibi sume-
 bat. Vexabant cordis palpitaciones et tanta
 pectoris angustia, ut in suffocationis metu es-
 set. Æstus intus et extus crebrius exarde-
 scebat; caput vertigine afficiebatur; mentis
 facultates, memoriæ imprimis vis, minui vi-
 debantur; animi deliquia nunc pluries per diem
 urgebant; superveniebat interdum artuum
 tremor, ut neque stare nec ire vel sedere

posset. O! tum temporis jam sat misera puella! Medici consulti in morbo dignoscendo neutiquam hæsitabant: hysteriam esse omnes censebant; sed opem nemo ferebat; etenim remedia omnis generis, vel potentissima, docte et sollicite adhibita, nihil valebant. Irrita medicatio, quæ repugnante natura tentatur!

Quæ morbi mutationes inde a mense Martio 1808 ad mensem Maium proximi anni — *spatio 14 circiter mensium* — sequebantur, tam multiplices ac diversæ, tamque mirandæ erant, ut singulas ordine recensere, non modo tædium afferret, sed vix sive omnino fieri non posset. Equidem affectiones adeo truculentas et intricatas totius vitæ meæ et praxeos tempore haud notavi. Liceat igitur, pace vestra, Sodales! præcipua duntaxat harum affectionum momenta, haud quidem ad extremum, sed eo, quo opus sit, persequi, eademque sine pigmentis fucoque puerili proferre.

Ab initio hujus epochæ et per tres prope septimanas insequentes, ægrota nostra a causa quacunque leviori (affectu scilicet animi, aëris intemperie, vitio in diæta commisso, imo interdum absque ulla causa manifesta) in *lipo-*

thymiam velut a fulmine icta subito incidebat. Hæc animi deliquia mox diutius, mox brevius, durabant, indies iterum recurrebant, nullum vero typum servabant, nec erysipelate amplius, neque adhuc spasmis hystericis stipata erant. Plerique ejusmodi insultus ita leves erant, ut ægrota, laxatis vestium vinculis, lecto imposita, aut sponte ad se rediret, aut solo adstantium clamore, aut frigida aquæ adspersione, aut dorsi percussionibus, aut spiritu saltem volatili naribus admoto, in vitam sat facile revocaretur. Sub ipso insultu instar moribundæ sine sensu et motu jacebat; articularum pulsationes tum languidæ, quin fere nullæ erant, et respiratio vix percipiebatur. Simulac sensus et motus rediere, ægra inscia omnium, quæ sub paroxysmo acta erant, raro dolorem capitis gravativum, totiusque corporis langvorem accusabat, plerumque vero velut sana, e somno evigilans, de nulla prorsus molestia conquerebatur. Tempus inter paroxysmos domesticis occupationibus sub insigni mentis requie consumebat. Lectum vespertino tempore velut sana petens, noctes placido somno et ab omnibus prope symptomatibus libera traducebat. Plerumque ciborum nihil plane

præter decoctum avenæ et aquam frigidam sumebat. Alvus continuo segnis, rarissime nisi dato laxativo, aut clysmate injecto sollicitata respondebat. Urina semper fere tenuis et copiosa mingebatur, perraro lactis instar cum sedimento simili apparebat. Mensium fluxus parcior erat, et circa id temporis symptomata morbi haud exacerbari videbantur.

Per totam hanc epocham non remediis solum antihysteriis, nervinis et carminativis morbum oppugnavimus, sed etiam anthelminthicis usi sumus, cum vermes forsan adesse, ex lactea urinæ qualitate quidam colligerent. Ast tantum aberat, ut cuncta hæc remedia levamen adferrent, ut potius morbi insultus crebriores et atrociores redderent; neque vermes abiere. Plures igitur medici, iiqve magni nominis, in consilium vocati sunt, ut ægram conspicerent. Sed signa haud placere omnes libero ore fatebantur, vitæqve aut medelæ se sperem habere parvam! Quid ergo? Nullo uti remedio optimum esse præsidium, pleriqve judicabant. Ipsa ægrota sola, spe convalescendi freta, firmo, constanti atqve tranquillo animo erat.

Sub finem mensis Aprilis Anni 1808 aliam iterum formam, eamque adhuc terribiliorum morbus induebat. Ab hoc enim tempore ad crebra illa animi deliquia motus accedebant spastici et convulsivi, qui magis sensim crudeliter torquebant, et cum delirio sæpe ac furore, imo mania demum et rabie juncti erant. Morbi paroxysmi nunc tam variis modis, tamque mirandis symptomatibus triste spectaculum edebant, ut equidem illa ordine describere neutiquam valeam. Transiit morbus in calamitosum illud malum, quod apud Nosologos convulsivo-hystericum nominatur. Sæpius membra ægrotæ spasmo rigida, mox reciproco motu convulsiva observabantur. Plerumque omnes manuum pedumque digitum ita incurvabantur, ut nec vi nec ulla arte extendi possent. Brachia modo retrorsum, modo antrosum trahebantur, iisdemque nunc dorsum, nunc facies, nunc pectus validissime allidebatur. Os modo clausum, modo apertum videbatur, totusque vultus variis gestibus deformatus erat. Sæpe spasmi in lingua simul in faucibus et æsophago aparuerunt; nonnunquam apex lingvæ, clauso ore, aut sub motu maxillæ inferioris tremulo, spastica velut suctione gra-

vissimo cum dolore retrorsum ad pharyngem versus retrahebatur. Modo pedes ad nates flectebantur, modo totum corpus nunc e lecto in altum magno impetu elevabatur, nunc antroorsum nunc retrorsum movebatur; nonnunquam velut in catalepsi situm corporis, nunc contracti, nunc extensi diu ægrota servabatur. Modo vestimenta discerpebat, stragula dejiciebat, vel insolito convolvebat. Nonnunquam sub ipso insultu elingvis erat, et admodum tractabilis; pluries vero, voce restituta, deliria jocosa et blanda loquebatur. Interdum inter violentas agitationes mente quamvis capta, cantus cum summa harmonia, quasi sana, aut veterum malorum certe oblita, modulabatur, interdum selecta loca e scriptis elegantioribus Göthii, Schillerii, Shakspearii, Öhlenslägerii aliorumque mirabili memoria, alta voce recitabat, idque clausis licet oculis sub gestibus textui aecommodatis. Plerumque vero tanto furore delirabat, seqve ita jactabat, ut plurimum hominum robur ipsi resistere vix posset. Sub ejusmodi paroxysmis, sui inscia, miserando spectaculo dentibus frendebat, verberabat, mordebat, et invita cum terribili clamore, qualis eorum est, qui sævis tormentis cruciantur,

totam domum, quin viciniam replebat eiqve molestiam exhibebat. Raro syncope vel sopore gravissimo oppressa, sine ullo sensu aut motu, et spiritum non ducens, mortuæ instar jacebat, rursus tamen et repente horribiles illi spasmi revertebantur. Ita quotidie afflicta, viribus et spe cadere, lecto decumbere, medicos admittere, dimittere nihil juvantes, quin et ipsi eam deponere et abdicare. — Puellæ miseras horrebant, qvî adspiciebant: quid illa qvæ ferebat?

Sæviebant istæ affectiones parum mutatae uno, ut ajunt, tenore ad diem usque 20 Maii ejusdem anni (1808). Accedebat tunc sub ejulatu furioso vomitus cruentus, cui sub truculentissima anxietate et suffocationis metu, tussis insuper convulsiva, seu ferina immanis, et singultus valde molestus, velut presso pede insequebantur. Vomitu, qvî summo cum cruciatu semper junctus erat, magna cruoris copia per proximos tres quatuorve dies noctesque cum impetu ejiciebatur; pluries simul materia nigricans, qvæ tetro odore adstantes fugabat, per alvum secedebat. Tussis semper sicca erat, et æqvabili fere violentia ultra horam dimidiam interdum perseverabat. Singultus ut plurimum gravissimus erat, tantoque

cum clangore junctus, ut procul audiri posset. Vomitus quidem post diem 24 Maii haud amplius cruentus erat, cetera vero morbi symptomata — syncope — sopor — delirium — insania — furor — spasmi — convulsiones — tussis et singultus — omnia sese terribili impetu et crudelitate, ultra integros *septem menses*, observate tempus sodales: septem menses (paucis modo intervallis interrupta) alternatim velut excipiebant. Sub longi hujus temporis decursu misera nostra in syncopen tam gravem quotidie fere incidebat, ut sine ullo manifesto vitali motu, in profundissima animi defectione diu interdum jaceret. Quid igitur mirum, si pluries a cognatis suis, quin ab ipsis medicis ea vivere jam desiisse judicaretur? Sopor tum quoque adeo profundus plerumque erat, ut si cutis pungeretur aut ureretur, ægrotā inde nil sentiret, adeoque nullo stimulo suscitari posset. Rarissime sub diuturno hoc morbi statu ulla quiete tranquilla et placida fruebatur: etenim tum etiam, cum somnus eam complecti videretur, silentibus ceteris spasmis, tussis tamen et singultus ut plurimum continuabant aut saltem intercurrebant. Per paucas igitur horas, easque incertas in quolibet

nycthemero sui conscia, mentisque compos, et ab omni sive dolore, sive spasmo, libera erat. Sub ejusmodi lucidis intervallis animi tristitiam suus vultus prodidit, licet ipsa patiendi necessitatem tacite ferens, de nullo malo conquereretur. Parum adhuc alimenti præter aquam frigidam sumebat; urinæ nunc parum plerumque et cum rubro sedimento mingebat; menstrua pallida erant et justo tempore parcius fluebant.

Graves illos et multiplices affectus dum misera patiebatur, varia interea pharmaca de-nuo tentavimus, nec ullum artis nostræ consilium negleximus. Ast, candide iterum fatendum est, cuncta ne hilum quidem profuisse, eorumque nullum sive solatium, sive levamen attulisse. Artem pertinax continuo vicit malum! — Quæ exinde matris affiniumque afflictio? Multos viros sub hac morbi epocha ægrotæ calamitas ad eam oculis conspiciendam excitabat. Visa est partim detestationem movens, partim miserationem, prout ingenium hominum erat. Vetulæ cumprimis, superstitione captæ, casu tam novo ac singulari percellabantur. Istarum aliæ ægrotam a dæmonibus prehensam stulte pronunciabant. Neque hoc mirum, cum ipse

Bartholinus noster de muliere per biennium adeo graviter singultiente loquatur, ut a Dæmon obsessa videretur *). Aliæ illius mala e fascino ducebant, aut aliis magicis causis adscribebant. Nos medici, de artis nostræ subsidio omnino desperantes, si quæ adhuc salutis spes superesset eam unice ex accurata victus ratione et cautius rerum naturalium usu repetendam esse ingenui fassi sumus. Et quis nisi periniquus hoc miretur aut culpet? Nonne præstat eam, quæ servari non possit, fati lege perire, quam ut medica operiisse videatur? Sed o! malam miseræ sortem; multa æque dira illi ferenda adhuc restabant. A die nempe 5 Januarii Anni 1807 versa aut mutata saltem sunt ejus mala, idque haud sane in meliorem partem. Ab hoc enim termino, quotiescunque mentis compos erant de clavo et de globo hysterico, utroque atrocissimo, perpetuo conquerebatur. Tunc etiam ab hostili spasmo (et tonico et clonico) plurima ejus organa ventralia indies vexabantur. Ab hac parte præter tussim, singultum ceteraque symptomata prius allata, nunc simul crudeliter sæviebant ventris rugitus, ructamina, vomituritiones, et tormina, ut pluri-

*) Epistol. cent. III.

num cum dolore fixo circa curvaturam coli sinistram, et ineffabili præcordiorum anxietate. Tristem insuper hanc tragoediam complebat absoluta et pertinacissima urinæ retentio, diris suis quoque cruciatibus stipata.

Proxima horum malorum causa haud diu latebat. Exploratio enim partium affectarum nullum dubium reliquit, quin spastica intestini recti, simul ac urethræ contractio transitum contentorum per utrumque hunc canalem interpellaret. Intestinum adeo constrictum erat, ut ne flatum quidem transmittere valeret, imo vix fistulam pro enematis injectione intromittere sineret. Urethra toto suo tractu, ab ostio ad vesicam usque, non urinæ modo exitui sed etiam introductioni tam cereoli quam catheteris valide obsistebat. Denuo igitur, quotquot medici eramus, necessitate magis coacti quam confidentia moti ad artis præsidium confugere officium duximus. Cum dolores in vesica exporti ad lumbos se extenderent, et vesica jam ad capitis magnitudinem expansa esset, urinam artis ope illico clicui. Hinc dolores illi hypogastrici et lumbales plane evanuerunt, ut corpore ante incurvato ingredi coacta, rursus erecto incedere posset. Clyisma dein emolliens

laudano liquido Sydh. nuptum applicari jussi.
 Ast irritum hoc fuit; etenim ob motum peristalticum ad superiora conversum, neque illud alvum ducebat, nec symptomata, ex organis digestionis oborta, mitigabat. Semicupium tepidum, ex herbis aromaticis compositum, tunc commendavimus; convulsiones vero et lipothymiae intercurrentes eo uti vetuere. Fetus propterea calidi, saeculiqve aromatici abdomini appliciti sunt, verum etiam hoc frustra susceptum et sine levamine fuit. Tertio demum die aqua frigida acetata, ventri pluries subito aspersa, omnem canalis alimentaris affectionem una cum clavo globoqve hysterico intra paucas horas felieiter fugavit. Quæ interea remedia pro usu interno svasimus, ea, si sui conscia erat ægrota, recusabat, et si quæ illi inseiæ porrigebantur, eadem ructu et vomitu illico reddebat. Verum enimvero fugatis quidem istis affectionibus ex organis chylopoeticis, superstes tamen remansit tædiosissima ischuria, quæ dein ferociam totius morbi multum augebat, eiqve novum veluti characterem inprimebat; ischuria non remansit, dixi, solum, sed etiam per *integros duos annos perseveravit*, simul cum sævis illis hystericeis crueiatibus, id-

que tanta pertinacia, ut multiplicibus licet remedium generibus oppugnata, omnium tamen vim illuderet. Heu triste fatum, quis modus et quis finis erit!

Sub lamentabili hoc morbi decursu, a die nempe 5to Januarii Anni 1809 ad diem usque 8vum Decembris anni insequentis, eque- dem plurics nonnunquam in die, quavis saltem vespera, catheteris ope urinam educere necessitate coactus sum. Sexcenties igitur et ultra in nostra ægrota hanc operationem perfecui, et quid mirum, si magna interdum cum difficultate? Ejus nempe urethra semper adeo sensibilis et irritabilis erat, ut operatio nunquam non frustraretur, nisi canalicula unico, levi et æquabili, tractu ad vesicæ cavum perveniret. At vero, quæ manus, vel mea multo dexterior, ad arduam hanc regulam, etiam sub agitationibus ægrotæ convulsivis, caute perficiendam omni tempore valet? Hinc sæpius per plures horas apud miseram nostram morari mihi opus fuit, priusquam, sedatis convulsionibus, sub vieto vel tractabili corporis statu illius vesicam recte evacuare potuerim.

Ab initio mensis Martii anni 1809 affectus illi hysterici, lipothymiam puto, et con-

vulsiones, contra omnium spem insigniter de
vehementia et frequentia remisere, verumta-
men haud prorsus evanuere, quin miseram
quamvis modo in vita victuque servato, acer-
bis interdum insultibus nocturno inprimis tem-
pore mulctarunt. Demum mense præter-
lapso ægrota sine ullius fore medicaminis usu
eo pervenit, ut noctes etiam (quoties urinæ
eductio vespere haud omissa esset), placide
et quiete duceret. E somno nunc postridie
mane sponte semper evigilabat, ac deinceps
animo et corpore se ita levatam sentiebat, ut
totum diem extra lectulum degens, affines suas
moestissimas exhilararet.

Sed prospera hæc Nostræ fortuna ad exi-
guum modo tempus durabat. Mox enim som-
nus matutinus, etiam tum cum bene dormi-
visset, in soporem quotidie transibat, qui
paucis diebus præterlapsis, denique adeo pro-
fundus evasit, ut nullo stimulo fugari posset.
Jacebat tunc misera plerumque ad meridiem
usque velut attonita, sine motu, sine ullo
sensu, respiratione adeo parva et rara, ut hæc
interdum nulla esse videretur. Sub eodem statu
pulsus simul tam parvus et obscurus plerumque
erat, ut percipi vix posset. Aliquot post me-

ridiem horas sopor ille, incognita causa, in demerentiam et furorem quotidie convertebatur. Hæ accessionum formæ cum convulsionibus atrocissimis et ejulatu horroris pleno, aut saltem cum garrulitate, iracundia et inquietudine (ad insequentem usque noctem perdurantes) junctæ semper erant, fere uti Mense Aprili anni 1808. Nihil sane eo statu, quo ægrota per hoc morbi tempus fuit, miserius ne cogitari quidem potest. Neque noctu neque die mentis compos erat; per plura interdum nycthemera nullum prorsus alimentum, ne aquæ quidem guttulam sumebat; alvus continuo segnis erat, adeo ut vix singulis octo diebus, idque inscia ægrota, redderetur. Nihil morbi atrociam mitigabat, qui præstantissima remedia spernebat. E medicis, qui morbum ancipitem judicabant, quin extremum expectabant, ægrotæ affines et amicæ non nisi tristissima prognostica audiebant.

Ast ne exiliores videar minutias persequi, celeriter in tramitem mihi proposito procedam.

Ad diem usque 13tium Maii ejusdem anni (1809), cum morbus sub duplici illa varietate (sopore nimirum hysterico et furore convulsivo) die nocteque alternaret, idemque quævis

miseram suscitandi conatum illuderet et frustraretur, *nos* — quotquot fuimus medici — spectatores prorsus fere otiosos magnæ illius calamitatis nos præbuimus, vix sperantes fore; ut absoluta et perfecta ejus inedia, temporis beneficio adjuta, insultus istos crudeles demum aut mitigaret, aut breviores saltem redderet.

Verumenimvero die 13 Maii 1809, quum *Callisenius noster* una mecum lectulo ægrotæ, tunc profunde consopitæ, forte assidcret, sapienti huic viro placuit, pulverem ex herba nicotiana, digitis comprehensum, illius naribus admove, experiundi causa (uti innucebat) an iste pulvis, inspiratione attractus, ullum optabilem effectum habiturus esset. Eventus hujus experimenti non ex sententia solum procedebat, sed etiam omnem expectationem superabat. Vix enim pulvis membranam pituitariam leviter attigerat, cum ægrota, nulla sternutatione interveniente, plene ad mentem rediret, sensumque cum motu recuperaret. Tum inde per reliquam diem partem de nulla ægritudine conquerbatur, sed valde licet debilitata, alacritatem habebat, quam antehac per totum morbum nunquam. Verumenimvero jam nocte insequente ex inopinato omnia rur-

sus pejora! Post levem nempe et placidum somnum ægrota a furore denuo convulsivo corripiebatur, qvi ad proximum diem perseverabat, atqve in soporem profundum demum transibat, qvo durante ne verbum quidem proferebat. Accedens ego postridie, insultum hunc, experimento *Callisenii* repetendo, feliciter quidem ita fugavi, ut ægrota protinus ad se rediret. Cum autem deinceps ejusmodi accessus, jam soporosi, jam furiosi, quavis nocte sponte reverterentur, ctiam ingravescerent; insuper cum ægra simul e repetita resuscitatione usui tabaci sensim assvesceret; effectum hujus remedii debiliorem indies fieri, infortunii anxius præsagiebam. Neqve proh dolor! acerba hæc expectatio me fefellit. Posteaquam enim ægrota quovis mane, ope tabaci somno suscitata, octo circiter dies vitam sub sat prospero fortunæ flatu transegerat; tum neqve iste stimulus, nec liquor ammonii causticus, nec ipse helleborus, aliaqve ejusdem farraginis, naribus admota, ullam amplius reactionem excitabant. Morbus tunc iterum, similiter atqve ante breve hoc intervallum, neqve nocte neqve die remittebat, sed symptomatibus, visu et auditu horrendis, perpetuo sæviebat.

Quodnam itaque consilium, prout tunc necessitas exigebat, in casu tam ancipiti capiendum erat? Ingenue fateor me sat diu, quo me verterem, anxie hæsitasse. Sub quotidianis illis exsuseitandi periculis observaveram, ægrotam .æ sopore vel profundissimo ocyus semper ad se redire, si clauso forte ejus ore, quam si eodem aperto tabaci pulverem naribus admoveram. Ast unde varius hie ejusdem remedii effectus oriretur, obscurum erat. Num forsán e leviori pulveris attractione et impulsu, dum os hiabat, an aliunde? Quapropter ut de dubia hæc re, quæ ab initio me parum moverat, certior tandem fierem; nunc manu mea os ægrotæ prius arcte obtegebam, quam tabaeum illius naribus porrigebam. Atqui hoc experimentum, pluries repetitum, ad novum artis subsidium inveniendum, velut casu fortuito, viam mihi feliciter paravit. Etenim mox cognovi auxilio satis esse, si *aëri per ægrotæ os et nares omnis ingressus et regressus per aliquot horæ momenta intercluderetur*. Ecce in ipsa medici manu, eaque nuda et inermi, artis adminiculum, quantum effectus spectatur, omni fere fide certius, quo pernicioiosa ista utriusque generis symptomata

intra breve tempus ut plurimum domari et vinci qveant.

Exsuscitatio *e statu soporoso* semper facili negotio efficiebatur, idqve sub phænomenis, constantem ordinem sequentibus. Post interceptam nempe Consopitæ respirationem totum ipsius corpus absqve motu et sensu quietum primum aliquvandiu jacebat; deinceps diaphragma una cum ceteris respirationis musculis reciproco impetu intendebantur; postea artus novo, ut videbatur, vigore profusi, lente erigebantur; novissime utraqve manus sursum faciem versus flectebatur; qvibus peractis, (si tunc respirationis impedimenta demerem) ægra statim, tanqvam sana e somno evigilans utrumqve oculum manibus fricabat — profunde oscitabat — et continuo ad se redibat, dein valenti similis erat, donec novus insultus accideret.

Paulo secus *exsuscitatio e statu furioso* obtingebat, multumqve difficultatis et laboris haud raro habebat. Quamprimum enim ægro-tæ respiratio manu inhibebatur, furor tanto impetu ruebat, ut ejus meminisse animus adhuc horreat. Ægrota, tunc velut ob gravem suffocationis metum desperata, totum corpus, caput inprimis et brachia, violentis-

sime jactabat, et effrenato impetu — decoris prorsus oblita — pro libero aeris haustu colluctabatur, quapropter sub exsuscitationis initio pluribus semper mihi opus erat adiutoribus, qui furiosam continerent, neque contra ipsius vim defenderent. Posteaquam vero, sub jurgio adeo horrido moestoque, miseram per aliquot momenta omnî respirandi postestate privare mihi contigisset; mali ferocia absque aliis subsidiis semper remittebat et mitigabatur. Membra ante contracta, contorta et rigida, aut motu effrenato agitata, tunc brevi relaxata leniter ac sensim extendebantur. Cætera deinde iisdem prope phænomenis, eodemque typo perinde ac sub exsuscitatione e statu soporoso procedebant. Ægra, ita expergefacta, quoties a bellis suis amicis curiose examinabatur, respondebat se sub insultu omnino nihil sensisse vel audivisse, sed quasi altissimo somno sepultam fuisse. Simul ac sensus et motus redire, de nullo dolore aut ægritudine conquereretur. Neque vires inter paroxysmos fractæ visæ sunt.

Invidiam forsân, *Sodales!* mihi concitavit, quod *Callisenii* experimento ductus, novam illam exsuscitandi methodum omnium

primus adhibuerim. Equidém mallem prosperam
 hanc fortunam alii evenisse qvam mihi! Qvot
 enim, qvantisque molestis operosisque negotiis
 cum ægrotante nostra a die illo implicitus fuerim,
 dici vix potest. Etenim ulterius non progres-
 sus eram, qvam ut miseram e paroxysmis illis
 resuscitare, et ad sanam mentem revocare va-
 lerem; novos vero istorum accessus, utpote
 qvi nulla prænuntia habebant, declinare aut
 præcavere nondum in artis, ne dicam in mea
 potestate erat. Qvid tum inde? Sopor pro-
 fundus qvemqve fere somnum naturalem brevi
 post diluculum excipiebat, tantaqve deinceps
 pertinacia continuabat, ut ægrota, nisi laudata
 methodo juvaretur, ad mentem nunqvam redi-
 ret. Nec qvidem hoc satis! Iste enim so-
 por, nisi absqve mora tolleretur, nunc
 semper pomeridiano tempore in furorem,
 qvin rabiem transgrediebatur. Atqvi (o fa-
 tum inexorabile!) perseverabat eadem hæc
 morbi atrocitas *per integros 19 menses*, a die
 nempe 18vo Maii anni 1809 ad diem usqve
 8vum Decembris anni inseqventis; idqve, ut ex
 ante allatis liqvet, una cum obstinata illa, per
 se jam sat molesta, ischuria urethrali. Haud
 itaqve mirum, si ego per diuturnum hoc tem-

poris spatium die nocteqve accitus, istis tra-
goediis concitus, supra vires, et sexcenties ite-
rum perturbatus fuerim, meaqve patientia fere
victa sit. Ast paulatim voluptati fiunt, qvæ ne-
cessitate coeperunt; nec medicum decet dura
ac difficilia reformidare! Tanto magis ægrotæ,
ejusqve affinium precibus qvotidianis morem ge-
rere officium duxi, cum ista resuscitandi peri-
cula, in primis sub statu ægrotæ furioso, rarissi-
me collegis meis vel dexterrimis, qvippe minus in
hoc opere intrepidis, prospere evenirent. *Cal-
lisenius*, *Schumacherus*, *Herholdtus* (frater ca-
rissimus) aliqve artis periti vires suas in no-
stra exsuscitandi methodo adhibenda pluries
exercitarunt. *Brandisius* tactu magnetico nec
non oculorum constanti contuitu ægram no-
stram e statu soporoso excitare semel tentavit,
at frustra; licet illico post in eximii hujus viri
præsentia eam artificiali illo suffocationis pe-
riculo brevi resuscitarem. Mense Julio 1809,
cum egomet ipse, valetudine impeditus, nullam
ægrotæ opem ferre valerem, ea per totos sex
dies noctesqve magno cum vitæ periculo inde-
sinenter furere et ejulare continuavit. Alias
vero, si nihil obstaret, qvo minus eam qvovis
mane e somno excitare, et qvavis vespera ab

urina retenta liberare possem, vitam tolerabilem per longum hunc morbi decursum degebat, raroque in furorem rapide delabebatur. Totum tunc diem sat hilaris et tranquilla, partim varia, ad ingenii animique cultum pertinentia, legendo et scribendo, partim designando, suendo aliisque virginum occupationibus domesticis consumebat. Parco semper nutrimento egebat; et aqua frigida pro potu maxime delectabatur. Plurima nunc iterum medicamina, e fonte pharmaceutico hausta, tempore diurno adhibebat, eaque valde diversa, nimirum ut ad varias, quas sub morbi decursu finximus, hypotheses et indicationes sic dictas curativas, istorum singula accommodatissima nobis videbantur. Quid? quod inprimis per ultimum mali semestre haud ullam ægrotæ tractationem ut nimis duram reformidavimus, si modo aliquis salutaris effectus inde sperari posset. Ambiguum enim remedium certa desperatione potius *Celso* duce existimavimus. Sed hisce nostris conaminibus prorsus nihil effecimus; vetustas malo callum consuetudinis jam obduxerat, quod velut victrix omni arti restitit, eamque superavit. Ecce aliquot exempla remediorum alias potentissimorum,

quæ spem nostram tunc fefellerunt. Opii 18 grana ægrota semel intra 6 horas sumsit nullo sive somno sive alio effectu subsequente. Tartari emetici 16 grana, intra 2 horas deglutita aliquando, neque vomitum ciebant, nec ullam excretionem sive alvi, sive sudoris, sive lotii promovebant. Vesicatorium admodum amplum, abdomini impositum, vesiculas quidem sero plenas excitabat; attamen quamvis post epidermidis ablationem pulvis cantharidum quotidie, donec gangræna minaretur, nudæ cuti inspergeretur, ægrota nec de ullo dolore inde conquesta fuit, nec ejus somnus impeditus. Vesicæ bovinæ aqua frigidissima impletæ, pudendis et abdomini per plura nycthemera applicitæ, nullas horripilationes proferebant, nec ægram consopitam exsuscitabant, neque exsuscitatae somnum et soporem vespere impediēbant.

Circa finem Novembris anni 1810 e causa tunc adhuc ignota in tantum langvorem ægrota sensim incidebat, ut pedibus demum laud amplius insistere valeret, sed in lectulo esse perpetuo cogeretur. Furor convulsivus nunc quidem remittebat, imo pedetentim prorsus evanescebat. Ast sopor e contrario adeo profundus evadebat, ut ægrota, simulac *suffocatio-*

nis periculo suscitata esset, illico post in statum, in quo sui impos erat, iterum delaberetur. Sic itaque aucta eheu! morbi atrocitas novum quoque nostrum exsuscitandi subsidium inutile demum reddebat! A primo nunc Decembris anni 1810 ad diem usque 8vum mensis ejusdem, quotidie semel ac sæpius istud subsidium *frustra* adhibui, magno semper cum affinium moerore. Per septem illos dies ægrota, omni vita sensoriali orbata, moribundæ instar valde languit, pallido faciei colore foedata, copioso sudore perfusa una cum extremorum frigore. Deglutitio semper difficillima erat, pulsus exilis et irregularis; respiratio lenta, interdum suspiriosa; alvi obstipatio pertinacissima; urinæ secretio adeo suppressa, ut per integros sex dies ne guttula quidem e vesica emitteretur. Instantem mortem omnes ipsique medici expectabant, quin vovebant.

Die 8vo Decembris (1810) reiterato periculo respirationem inhibendi semimortuam nostram ad sensum revocare præter meam omniumque expectationem mihi contigit. Et — quod adhuc magis faustum! — ab eodem inde temporis momento morbus aliam denuo faciem induebat, eamque minus terribilem. Hora nempe

prima postquam evigilavit ægrota horripilationes, sæpius intercurrentes, sentiebat, quas æstus febrilis, cephalalgia, dyspnæa et vomitiones inseqvebantur. Febrilia hæc typum febris continuæ dein servabant, cum aliqua exacerbatione vespertina. Et mirum, quam felici eventu hæc morbi variatio contigerit. Jam enim a primo illius accessu ægrota non sui solum semper conscia mansit, sed uno velut flatu et sopor et furor et ischuria simul evanuerunt. Naturam in opere tam benefico perturbare temerarium fuisset, quapropter nos medici ad divi Hippocratis exemplum methodum, ut dicitur, expectativam adhibuimus, et solummodo anili assiduitati nos opposuimus. Et quid inde? Die nono crisis perfecta tam sudore per totum corporis ambitum diffuso, quam urina, ad aspectum lateritia, eaque pro lubitu et sine dolore emissa, sese manifestabat, et febrem intra paucos dies prorsus tollebat. Posthac somnus naturalis semper erat, excreta bene et normaliter procedebant, nec menses sui officii obliviscebantur; vires etiam tam animi quam corporis brevi redibant. Atqui sic ægrota nostra mirifice servata, sanitatem febri magis quam arti debebat. Læta

tunc iterum cum lætis gaudebat, idque haud sine magno meo solatio et oblectamento! Unicum morbi vestigium, de quo ab illo inde tempore qverebatur, hoc erat, quod decubitus in latere corporis sinistro ægre ferret.

Ultra *duos annos* proxime insequentes nunc perfecta sanitate gavisæ est. Mense Aprili anni 1813 febris morbillosa decubuit, quem morbum facile superavit. Mense Julio ejusdem anni a febre remittente iterum corripiebatur, quæ tussi spasmodica pluries in die, et a mense Augusto simul vomitu cruento stipata erat. Dolores sub vomitu haud adeo molesti erant, neque magna sanguinis copia ejiciebatur. Refrigerantia, e regno imprimis vegetabili sumpta, vomitum mitigabant, eumque initio mensis Novembris prorsus demum inhibebant. Ab hoc tempore ad 13 Januarii anni 1814 optime iterum valebat.

Illa vero die (13 Jan. 1814) in media crucis sinistri parte ad latus antèrîus carbunculus sat largus exoriebatur, qui atroci quidem dolore, atque motu aliquo febrili, nullo tamen spasmo junctus erat, et post copiosam suppurationem, nucleo gangrænescente demum se-

parato, circa vigesimum Maii (Anni 1814) solitis remediis sanabatur.

A mense Maio (Anni 1814) per *duos integros annos* veluti prorsus sana vitam sat prosperam iterum degebat. Verumenimvero circa exitum Maii anni 1816 febris continua, quæ typum remittentis servabat, denno infestabatur. Stipata erat hæc febris continuo ventris dolore haud raro gravissimo, præprimis in regione hypochondriaca sinistra. Dolor hic sub inspiratione, maxime profundiore, vel tussi fortiori, semper exacerbabatur. Intercurrebat simul quotidie fere vomitus cruentus, quo haud exiguum sanguinis copiam ægra ejiciebat. Perseverabat anceps hic status *quatuor fere menses*, nempe a Mense Majo ad Septembris initium usque ejusdem anni (1816). Tunc brevi sanitatem eamque, ut videbatur, perfectam rursus recuperabat, et per *tres fere annos* insequentibus (nempe ad 8vum Januarii usque 1819) nullo sive dolore, sive spasmo vexata, felicem rursus vitam cum suis degebat.

A die 8vo Januarii anni 1819 nova traegœdia agi incipiebat. Dolor colicus tum iterum ægram affligebat, idque majori acerbitate quam antea unquam. Ita nunc continuo per plura nycthemera cruciabatur, ac si canes, ut

ipsa ajebat, ejus viscera arroderent et laneina-
rent. Die nocteqve tam crudeliter laecessita
nullam interea quietem nee somnum capiebat.
Abdomine vel levi manu contreetato dolor
valde augebatur. Acedebant mox febris ar-
dens, singultus enormis, vomitus cruentus sat
copiosus, nee non dejectio materiæ nigræ ac
foetidæ per alvum. Sub terribili hoc statu nec
alimenta nee medicamina, ne clysmata quidem,
aut fomenta abdomini applicata, Misera ferebat.
Hinc brevi exhausta et attenuata, eoqve de-
mum reducta jacebat, ut prorsus nulla salutis
spes superesse videretur. Die secundo Fe-
bruarii (anni 1819) adeo langvida tantoqve sen-
suum torpore obruta erat, ut accuratior abdo-
minis exploratio institui posset. Tumor tunc
durus ac renitens, et in tres lobulos velut
partitus, infra umbilicum tactu percipiebatur.
Abscessum abseonditum cum suspicarer, cata-
plasma emolliens, ut suppurationem promove-
rem, abdomini imponere jussi, illudqve sæpius,
ne frigesceret, reiterari imperavi. Ad diem
usqve 12mum ejusdem mensis (Februarii 1819)
status morbi immutatus perseverabat et ad iu-
teritum ruere videbatur. Misera demum co-
pioso sudore cum extremorum frigore perfun-

debatur, et auram frigidam expirabat. Instantem mortem omnes expectabamus. Heu! quam grave ac moestum in tanta rerum incertitudine officio medici fungi! Ne tamen ultimum remedium, vel maxime ambiguum, intentatum relinquerem, consensu ægrotæ affinium, locum tumoris maxime renitentem ad profunditatem pollicis circiter cultro audacter incidi. Nil puris et parum sanguinis vulnus fundebat. Ejus vero profunditatem cum deinceps specillo explorarem, in corpus durum et velut metallicum allisi, prorsusque ex inopinato æum suendo servientem vulsella e vulnere extraxi. Haud parum ab initio obstupui, videns imprimis illam nigram et oxydatam esse. Sed utcunque hoc! Omnia symptomata nunc remittebant, jam noctem proxime insequentem ægra per horas placide dormiebat, dieque post paululum nutrimenti capiebat. Ab hinc tumorem ut discuterem, cataplasmati species resolventes addidi, nec non alvum per clysterem ducere svasi. Ast convalescendi spem, quæ denuo miseram consolabatur, extenuari iterum et evanescere propediem vidi. Dolor enim incrementum rursus capiebat, iisdemque atque antea symptomatibus (singultu,

vomitū cruento ; ceterisque) mox stipabatur. Repetita tumoris exploratione punctum in sinistra regione lumbali observabam, cujus contactu ægra acutissimos dolores cruciatusque perpetiebatur. Constitui idcirco etiam hunc locum incidere, qvo facto die 15to Februarii (1819) aliam adhuc acum æqve nigram et oxydatam evulsi.

Tædiosum esset, Sodales! et animum nimis moveret, si omnes istos summorum dolorum cruciatus, qvos Misera nostra ab hoc inde tempore iterum pertulerit, sigillatim depingere vellem. Hinc potius duco generatim modo atqve universe afferre, me a die illo 12mo mensis Februarii anni 1819 ad diem usque 10mum Augusti anni 1820, sive spatio 18 mensium *ducentas septuaginta et tres* acus variæ magnitudinis e variis illius corporis regionibus sensim cultri et vulsellæ ope extraxisse. En (ipsas acus, et) tabulas duas hanc rem ulterius illustrantes :

T a b u l a II^{da}.

*Ordinem sistens chronologicum quo acus
extractæ sunt.*

Tempus quo acus extractæ.	Earum numerus.	E qua regione.
1819.		
Die 12 Febr.	1	E regione hypogastrica.
— 15 —	1	— lumbali sinistra.
— 1 Martii	2	— eadem.
— 6 Aprilis	1	— eadem.
A die 8 Maii	3	— eadem.
ad diem 26	7	— iliaca dextra.
ejusdem.	4	— — sinistra.
	3	— hypogastrica.
Die 3 Octobr.	4	— epigastrica.
— 4 —	7	— lumbali sinistra.
	8	— umbilicali.
A die 6 Octobr.	17	— lumbali sinistra.
ad diem 18	11	— iliaca sinistra.
Decembris.	12	— hypochond. dextra.
	5	— sterni, inter mammas.
	4	— hypochond. sinistra.
1820.	6	— umbilicali.
A die 26 Jan.	12	— epigastrica.
ad diem 8	6	— iliaca dextra.
Februarii.	8	— lumbali sinistra.
	122	

Tempus quo acus extracta.	Earum numerus.	E qua regione.
	122	
A die 26 Febr.	{ 11	E regione epigastrica.
ad diem 14	{ 5	— hypochondriaca si-
Martii.	{	nistra.
A die 8 Aprilis	{ 8	— lumbali dextra.
ad diem 28	{ 10	— hypochond. sinistra.
ejusdem.	{ 8	— — dextra.
	{ 9	— sterni, inter mammas.
A die 18 Maii	{ 17	— umbilicali.
ad diem 15	{ 12	— iliaca sinistra.
Junii.	{	— — dextra.
A die 3 Julii	{ 10	— epigastrica.
ad diem 20	{ 14	— lumbali dextra.
ejusdem.	{ 9	— hypogastrica.
	{ 10	— crure sinistro.
A die 30 Julii	{ 3	— inter scapulas.
ad diem 10	{ 1	— crure dextro.
Augusti.	{ 1	— infra scapulam dex-
	{	tram.
	{ 22	— mamma sinistra.
Summa	273	

Observe Sodales! non omnes acus integras, sed earum plurimas in frusta fractas, apice vel oculo, vel utroque earum extremo, destitutas esse. Si modo tres excipiat, quæ ad adspectum capitatæ fuerunt, quæque, prout ex aurichalco fabrifactæ, adhuc splendent, ceteræ omnes, inter quas una crinalis, nigrae sunt, et a prægressa oxydatione velut marcidæ. Ex utraque tabula apparet, tantum non omnes ex anteriori corporis superficie, idque haud simul, sed post intervalla plurium nonnunquam dierum, aut hebdomadam, imo interdum mensium, excisas esse. Sub ejusmodi intervallis ægra plerumque vitam tolerabilem degebat, leviori tantum ventris dolore continuo vexata; lectulo tamen ob virium defectum perpetuo nunc inhærere cogebatur. Simulac vero acus extrorsum versus progrediebatur, seqve cuti appropinquabat, et ad varium suum situm hanc aut vellebat, aut simul protrudebat, gravissimus semper dolor oriebatur, feбри ut plurimum, singultu et vomitu cruento junctus. Attamen haud raro ægra per plures dies terribili clamore ante conqverebatur, quam locus, quo acus latebat, certo determinari posset; quid? quod sæpius, ut vel acui exitum pa-

rarem, vel levamen saltem afferrem, locum dolentem usque ad musculos cuti subjectos cultro ad ambitum sat largum excoriare necesse fuit. Abdomen prius quam hoc perficiebatur valde semper intumescebat, et nunquam fere non graviora illa symptomata jam pluries memorata inducebat. At vero, quid tristius, quam quod acu quavis feliciter extracta, continuo novi doloris impetus extimescendi erant? Interdum accidebat, ut post cutis transcisionem acum frustra, diu in ipso vulnere quærerem, eamque igitur in corpore relinquere coactus essem, donec ea, post plures nonnunquam dies, aut sponte in vulnus prodibat, aut alio loco sese tactui iterum exhibebat. — Excisionem acum haud semper ad unam eandemque methodum instituere potui. Jam enim abdomen ita expansum erat, ut cutis plicari nequiviret; tunc libera manu vulnus supra acum inflexi, et dein telam cellulosa cum adipe interjecto tenaculo et cultro separavi. Jam cutim (plerumque ope digitorum ipsius ægrotæ) plicatam prope eum, quo acus maxime prostabat, locum incisi, et laxata dein plica illam arte quæsi. Jam demum, si acus sub angulo recto internam cutis superficiem ab in-

tus premendo illam velut in colliculum protrudebat, apicem hujus colliculi uno velut ictu abscidi, quæ methodo acus facillime ut plurimum protrahebatur, et exile tantum vulnus remanebat. Semel modo absque prægressa incisione acum digitorum ope per flaccida mammæ integumenta protrudere tentavi. At frustra hoc! Acus enim quippe oxydata, sub incauta manu frangebatur, quod infortunium me dein cogebat, ut illius frustula duplici incisione et reiterata aggressionem evellerem. Quater tantum hæmorrhagia notabilis multiplices illas, quas per octodecim istos menses perficiebam incisiones, sequebatur. Nunquam suppuratio, quod mirum, ex ipso ventris cavo oboriebatur.



Ægrotæ diros suos cruciatus ad exitum usque Januarii Anni 1820 tolerabiliter adhuc ferebat, perraro licet trepida cultrum reformidans, e quo solo levamen sperare illi licebat. Ultimo vero hujus mensis die mater ægrotæ carissima ex tam infinita fere domestica calamitate valde contristata, in apoplexiam subito incidebat, inseqvente postea hemiplegia lateris sinistri. Miserta matris Nostra magis adhuc quam propriis suis ærum-

nis premi videbatur. Huic animi tristitiæ tribuendum esse existimo, quod ea ipsa duos circiter menses post (nempe die 16te Martii 1820) itidem a paralyssi brachii dextri ex inopinato corriperetur. Et quid posthac amplius? Dolores continui, quos misera patiebatur, licet consuetudine parum mitigati, ejus tamen systema nervosum ita sensim debilitabant, ut mense Julio paralyssis brachii quoque sinistri, et aliquot dies post plenaria et perfecta paraplegia, aphonia insuper stipata insequeretur. Viva ipsa mortua jam nunc videbatur, nisi quod caput unum vigeret et moveretur. Eo usque reducta erat, ut instar infantulorum nutriri et curari deberet; quid? quod nec verbis nec digitis locum, quo etiamnum ab acubus velleretur, monstrare valuit. Mens ægrotæ illæsa quidem manebat, at lamentabili voce perpetuo ululans, nunc adeo demum desperabat, ut se interituram putaret, nullaque ratione in spem erigi et recreari posset. Quinque dies ita fuit, in quorum exitu lingua titubante denuo loqui incipiebat. Paraplegia vero gradu haud imminuta continuabat. Post 10mum Augusti (1820), a quo die nulla acus se amplius sistebat, dolores infimi ventris re-

mittebant, et cuncta ab illis orta symptomata evanescebant. O lætitiā ægrotæ sed trepidam! Adhibitis nunc remediis nervinis et roborantibus, balneis calidis, vesicatoriis, variisque linimentis, in melius omnia convertabantur, sensus et vis motrix in cruribus primum et trunco, dein in brachio sinistro redibant, revertebatur simul vigor ruborque faciei, quam pallor antea deformaverat. Brevi post æqvabiliter utraqve tibia valida gressum recipiebat; vigeant magis indies mentis functiones, et — ut paucis dicam — jam ante exitum anni (1820), excisis demum acubus illis e mamma (ante undecimum nempe Augusti) perfecta prope sanitate fruebatur. Omnia quoque vulnera ante annum insequentem jam consolidata erant, totumque abdomen ita cicatricibus notatum, ut tabulam geographicam æqvaret, et — quod haud satis mirari potest — viscera ejus omnia nulla labe contaminata deprehenduntur. Unicum quod a morbo nunc reliquum est, in dolore consistit leviori humeri dextri et langvore brachii ejusdem lateris, quippe cujus movendi facultas nondum prorsus restituta. Spem tamen omnes foveamus, fore, ut hic quoque affectus natura de-

mum et arte tollatur. Quid verba facio? Ipsa
ægrota jamjam Divino Numine se e maxima
calamitate servatam, grato animo et piis la-
crymis agnoscit.





DIY...

SOME TIGHT
GUTTERS

